

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 11.12.2017թ. թիվ 1707270911 որոշումն անփոփոխ, իսկ վարչական բողոքն առանց բավարարման թողնելու մասին

<<01>> 02 2018թ. 17-4-34338-12/12-4-1052

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Աղվան Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան Առինջ 1-ին միկրոշրջանի 2/14-րդ շենքի 2-րդ բնակարանի բնակիչ Աղվան Գրիգորյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 11.12.2017թ. թիվ 1707270911 որոշման վերաբերյալ՝ նշելով, որ իր կողմից պահպանվել է թույլատրելի տարածությունը:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է, իրավաչափ և այն վերանայելու հիմքեր չկան հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վրանգ չի ստեղծվել:

Ճանապարհային ոստիկանության վարչական տույժ նշանակելու մասին 11.12.2017թ. թիվ 1707270911 որոշմամբ իրավախախտումն ամրագրած տեսանյութի լրացուցիչ ուսումնասիրությամբ պարզ է դառնում, որ Երևան քաղաքի Խորհրդարանի փողոցի հատվածում դիմումատուի տրանսպորտային միջոցը տեղակայված է եղել ՀՀ կառավարության Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին թիվ 955-Ն որոշմամբ սահմանված՝ **3.27 <<Կանգառն արգելվում է>> ճանապարհային նշանի ազդման գոտում:**

Այսպիսով, ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 11.12.2017թ. թիվ 1707270911 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Աղվան Գրիգորյանին և ՃՈ ՏՄՀԽԱ կենտրոն: